

Ordinario ti Misa

GLORIA ITI DIOS ITI KANGATOAN

ket ditóy dagá kappia kadagití tattao a naimbág ti panagnaknakemda. Ibunannagdaká, itán-okdaká, pagrukbabandaká, daydayawendaká, agyámankam kenká gapu iti naindaklan a dayagmo, Apo Diós, nailangitan nga ari, Diós Amá a manakabalin amin. Apomi a Jesucristo, Bugbugtóng nga anak ti Diós nga Apo, Cordero ti Diós ken Anak ti Amá.

Siká a mangikkát kadagití basbasol ti lubong, kaasiannakamí. Siká a mangikkát kadagití basbasol ti lubong, awatem kad daytóy ar-ararawmi. Siká a situtugaw iti makannawán ti Amá, kaasiannakamí.

Yantangay siksiká, O Apo Jesucristo ti nasantoán, Siksiká ti Apo, Siksiká ti kangatoán, Iti timpuyog ti Espiritu Santo, Iti gloria ti Dios Amá. Amen.

LITURGIA TI SAO

Alleluia Mode 6

C G/B Am C D C G



Al-le-lu-ia, al-le-lu-ia, al-le-lu-ia.

F F/A Bb F Gm C F



Al-le-lu-ia, al-le-lu-ia, al-le-lu-ia

Dm Bb Gm Am Dm



Al-le-lu-ia, al-le-lu-ia, al-le-lu-ia!

MAMATIAK ITI DIOS

Mamatiak iti Dios Ama a mannakabalin-amin, a Namarsua iti langit ken daga.

Mamatiak met ken Jesucristo a bugbugtong nga Anakna ket Apotayo, a timmao iti aramid ti Espiritu Santo; inyanak ni Santa Maria Virhen, nagtutuok idi panagtoray ni Poncio Pilato; nailansa iti crus, natay ket naitanem. Immulog iti yan dagiti natay, Nagungar iti maikatlo nga aldaw. Immuli sadi langit, ket situtugaw iti makannawan ti Dios Ama a mannakabalin-amin. Aggapunto sadiay nga umay mangokum kadagiti sibibiag ken kadagiti natay.

Mamatiak met iti Espiritu Santo. Patiek met ti Santa Iglesia Catolica, ti panagririnnanod dagiti Sasantos, ti pannaka pakawan dagiti basbasol, Ket addanto met panagungar ti bagi, ken biag nga agnanayon.

Amen.

LITURGIA TI EUKARISTIA

Ti Apo awatenna koma daytuy a daton kadagita imam, ket maipaay a pakaidaydayawan ken pakaigloriaan ti naganna ken kasta met a pagimbagantayo ken ti kadagopan ti nasantoan nga Iglesiasiana.

PREFACIO

Padi: Ti Apo tiadda koma kadakayo.
GIMONG: KASTA KOMA MET KENKA.
P: Itag-ayyo dagita puspuso.
G: ADDADAN A SITATAG-AY ITI APO.
P: Agyamantayo iti Apo a Diostayo.
G: MAIKARI KET RUMBENG.

SANTO, SANTO, SANTO ti Apo

a Dios dagiti amin a parsua. Ti langit ken daga napnuda iti pakaidaydayawam. Hosanna iti kangatoan. Madaydayaw ti umay iti nagan ti Apo. Hosanna iti kangatoan.

Tunggal iti daytuy a tinapay mangankami ken iti daytuy a calis uminumkami, ipara-ngarangmi ti ipapataymo, O Apo, agingga iti yaaymo.

wenno

Babaen ti crusmo ken inka panagungar innakam insalakan. Sika ti nanubbot iti sangalubongan.

C G/B F/A C/G F G C



A - men, A - men, A - - - men.

Music © 2011 Victor Eclar Romero. All rights reserved.

AMAMI nga adda sadi langit,

madaydayaw koma ti naganmo, dumteng koma ti pagarriam, matungpal koma ti nakemmo dituy daga a kas sadi langit.

Itidem kadakam iti aldaw itoy ti kanenmi iti patinayon nga aldaw. Pakawanem dagiti utangmi a kas met iti pammakawanmi iti utang dagiti mautang kadakami, dinakam met baybay-an nga umannugot iti solisog, isalakannakam ket iti dakes.

Ta kukuam ti toray, ti pannakabalin ken dayaw iti agnanayon a dinto agsarday.

CORDERO TI DIOS, a mangikkat kadagiti basbasol ti lubong, kaassian-nakami.

Cordero ti Dios, a mangikkat kadagiti basbasol ti lubong, itdem kadakam ti kappia.

Apo, diak maikari nga umayka kaniak, ngem iti maysa laeng a saom, mapa-imbagton toy kararruak.